

Poesia graba riba Delft Blauw pa Digna-Lacle-Herrera



ORANJESTAD (AAN):
Digna Lacle-Herrera a yega
di skirbi e poesia aki:

E Kapel di Alto Vista.
Chikito sin ningun pretension
un simbolo di devocion di un
pueblo humilde cu ta reuni
den oracion pa duna
testimonio di su fe y musta,
cu den su curazon ainda tin un
poco gratitud y tambe un tiki
di speranza pa halza un canto
y duna alabansa na E Creador
cu a bendicione cu un isla tan
encantador na E Gran Pintor
cu a pinta su paisahe n' E
Compositor cu a pone
melodia den e murmuyo di su
biento y su lamar! Meymey di
piedra y baranca e kapel di
Alto Vista ta para sin vanidad
e simbolo di un pueblo su
simpleza y su humildad!

E poesia aki cu ta expresa un

sentimento profundo di
cariño pa nos Kapel di Alto
Vista ta skirbi pa señora
Digna Lacle-Herrera na 1975.

E poesia ta graba riba un
tayo Delfts Blauw. Señora
Digna Lacle-Herrera a laga
frame e tayo como un cuadra
y a entrega esaki na director
di Biblioteca Nacional
Aruba, señora Astrid Britten y
señora Irais
Sankatsing-Nava encarga cu
Departamento Arubiana di
BNA. Biblioteca Nacional ta
hopi contento cu e regalo hopi
special y unico di señora
Digna Lacle-Herrera. E
poesia cu ta un canto na un
luga masha stima mes di
Aruba lo haya un bunita luga
na Departamento Arubiana
den Bachstraat. Danki señora
Digna.